

MËSIMI 52

1. Nga e dinte Nikodemi që Perëndia e kishte dërguar Jezusin?

-Sepse Jezusi po bënte shumë mrekulli të cilat vetëm Perëndia ishte në gjendje t'i bënte.

2. A ka kuptimin e "pagëzimit" kjo "rilindje nga uji"?

-Jo.

3. A mund të na shpëtojë pagëzimi ne?

-Jo.

4. Çfarë donte të thoshte Jezusi me "rilindur nga uji"?

-Të rilindësh nga uji do të thotë të pendohemi për mëkatet tona në mënyrë që Perëndia të na pastrojë ne nga ato.

5. Çfarë donte të thoshte Jezusi me "rilindur nga Fryma"?

-Të rilindësh nga Fryma do të thotë që Perëndia Frymë e Shenjtë duhet t'u japë jetë të re shpirtave tanë.

6. Çfarë po thoshte Jezusi kur tha, "Ç'ka lindur nga mishi është mish, por ç'ka lindur nga Fryma është frymë?"

-Jezusi po thoshte që mishi mund të lindë vetëm mish dhe që Perëndia Frymë e Shenjtë është i Vetmi që mund të lindë frymën e njeriut.

7. Për Perëndinë, ka dy lloje njerëzish në botë.

Cilët janë ata?

-Ata që kanë lindur vetëm një herë dhe ata që kanë rilindur.

8. Në familjen e kujt janë njerëzit që kanë lindur vetëm një herë?

-Ata janë në familjen e Satanit.

9. Në familjen e kujt janë njerëzit që kanë lindur përsëri?

-Ata janë në familjen e Perëndisë.

10. Cila ishte ngjashmëria mes Jezusit dhe gjarpërit prej bronzi që Perëndia urdhëroi Moisiun ta bënte në shkretëtirë.?

-Ashtu si gjarpëri prej bronzi u ngrit lart në një shtizë, kështu edhe Jezusi do të ngrihej lart.

-Ashtu si Izraelitët u shpëtuan kur ata shikuan gjarpërin prej bronzi, kështu Jezusi do t'i shpëtonte ata që do të besonin në Të.

11. Pse e dërgoi Perëndia Jezusin në këtë botë?

-Për t'i shpëtuar njerëzit nga fuqia e mëkatit, vdekjes dhe Satanit.

12. A do t'i dënojë Perëndia ata që i besojnë Jezusit?

-Jo.

13. Pse ata që nuk i besojnë Jezusit janë tashmë të dënuar nga Perëndia?

-Sepse ata nuk besojnë që Jezusi është Perëndia Shpëtimtar.

14. Pse nuk duan njerëzit ta dëgjojnë Fjalën e Perëndisë?

-Sepse ata e duan mëkatin e tyre.

-Një ditë, Jezusi u kthye në fshatin e Kapernaumit.

Le të lexojmë Marku 2:1-2

1-Pas disa ditësh, ai erdhi përsëri në Kapernaum dhe u muar vesh se ai gjendej në shtëpi.

2-Dhe menjëherë u mblodhën aq shumë njerëz, sa nuk gjeje më vend as përpara derës; dhe ai u predikonte Fjalën.

-Shumë njerëz erdhën për të dëgjuar Jezusin kur mësonte.

-Jezusi u mësoi atyre Fjalën e Perëndisë.

-Fjala e Perëndia që po u mësonte Jezusi ishte e njëjta Fjalë e Perëndisë që po ju mësojmë ne tani.

-Fjala e Perëndisë nuk ndryshon.

-Fjala e Perëndisë është e njëjtë për të gjithë njerëzit.

-Ashtu si njerëzit e dëgjonin Jezusin duke mësuar Fjalën e Perëndisë, Perëndia do që ti të dëgjosh ndërsa ne po ta mësojmë ty atë.

-Për shkak se Jezusi ishte duke dhënë mësim në një shtëpi dhe ngaqë shumë njerëz kishin ardhur për të dëgjuar mësimin e Jezusit, nuk kishte më vend në shtëpi.

-Madje as jashtë nuk kishte më vend.

-Ndërsa Jezusi po jepte mësim, disa njerëz sollën një njeri

të paralizuar.

Le të lexojmë Marku 2:3

3-Atëherë i erdhën disa që i paraqitën një të paralizuar, që po e bartnin katër vetë.

-A ishte në gjendje njeriu i paralizuar ta shëronte vetë veten e tij?

-Jo.

-A ishin në gjendje shokët e njeriut të paralizuar ta shëronin atë?

-Jo.

-A ishte në gjendje ndonjë doktor ta shëronte njeriun e paralizuar?

-Jo.

-Ashtu si ky njeri i paralizuar nuk ishte në gjendje ta shëronte veten, asnjë njeri nuk është në gjendje ta shpëtojë veten nga fuqia e mëkatit, vdekjes dhe Satanit.

-Çfarë bënë këta burra me njeriun e paralizuar?

Le të lexojmë Marku 2:4

4-Por, duke qenë se nuk mund t'i afroreshin për shkak të turmës, zbuluan çatinë në vendin ku ndodhej Jezusi dhe, mbasi hapën një vrimë, e lëshuan vigun mbi të cilin rrinte shtrirë i paralizuari.

-Për shkak se kishte shumë njerëz që po dëgjonin mësimin

e Jezusit dhe nuk kishte më vend në shtëpi, burrat e morën njeriun e paralizuar dhe e ngjitën në çatinë e shtëpisë.

-Ata hapën një vrimë në çatinë e shtëpisë dhe e ulën njeriun e paralizuar poshtë me gjithë vigun e tij përpara Jezusit.

-Për shkak se Judenjtë i ndërtonin shpëtitë e tyre me çati të sheshta të bëra me baltë dhe kashtë, këta burra qenë në gjendje të hapnin një vrimë në çati dhe ta ulnin njeriun e paralizuar pikërisht përpara Jezusit.

-Kujt ia sollën këta burra njeriun e paralizuar?
-Jezusit.

-Kush ishte i Vetmi që ishte në gjendje ta shëronte këtë njeri të paralizuar?
-Jezusi.

-Çfarë bëri Jezusi?

Le të lexojmë Marku 2:5

5-Jezusi, kur pa besimin e tyre, i tha të paralizuarit: ``O bir, mëkatet e tua të janë falur!''.

-Jezusi pa që burrat i besonin me të vërtetë Atij dhe Ai ia fali mëkatet njeriut të paralizuar.

-Aty ishin disa mësues të ligjit që ishin ulur në shtëpi.

-Ndërsa Jezusi i fali mëkatet njeriut të paralizuar, çfarë ishin duke menduar këta mësues të ligjit?

Le të lexojmë Marku 2:6-7

6-Por aty po rrinin ulur disa shkribë, të cilët, në zemër të vet, po mendonin:

7-``Pse vallë ky po flet blasfemi. Kush mund të falë mëkatet, veç Perëndisë vetë?''.

-Mësuesit e ligjit po mendonin që vetëm Perëndia mund t'i falë mëkatet.

-A po mendonin si duhet mësuesit e ligjit?

-Po.

-A është e vërtetë që vetëm Perëndia mund t'i falë mëkatet?

-Po.

-A mund të falë ndonjë njeri mëkatet?

-Jo.

-A mund të falë mëkate ndonjë prift?

-Jo.

-Për shkak se Jezusi është Perëndi, Jezusi mund t'ua falë njerëzve mëkatet e tyre.

-Mësuesit e ligjit po mendonin gjithashtu që Jezusi po blasfemonte Perëndinë.

-A po mendonin si duhet mësuesit e ligjit?

-Jo.

-A ishte e vërtetë që Jezusi po blasfemonte Perëndinë?

-Jo.

-Jezusi nuk po e blasfemonte Perëndinë.

-A e dinte Jezusi se çfarë ishin duke menduar mësuesit e ligjit?

Le të lexojmë Marku 2:8

8-Por Jezusi, i cili menjëherë kuptoi në frymën e vet se ata po i mendonin këto gjëra në veten e tyre, u tha atyre: “Pse i mendoni këto gjëra në zemrat tuaja”?

-Megjithëse mësuesit e ligjit nuk thanë asgjë, Jezusi e dinte se çfarë ishin duke menduar ata.

-Për shkak se Jezusi është Perëndi, Ai i njeh të gjitha mendimet e të gjithë njerëzve.

-Pastaj, çfarë tha Jezusi?

Le të lexojmë Marku 2:9-12

9-[Jezusi tha] “Çfarë është më lehtë: t'i thuash të paralizuarit: "Mëkatet e tua të janë falur", apo t'i thuash: "Çohu, merre vigun tënd dhe ec"”?

10-Dhe tani, që ta dini se Biri i njeriut ka pushtet të falë mëkatet mbi dhe,

11-unë po të them (i tha të paralizuarit): Çohu, merre vigun tënd dhe shko në shtëpinë tënde!”.

12-Dhe ai u ngrit menjëherë, mori vigun e vet dhe doli përjashta në praninë e të gjithëve dhe kështu të gjithë u habitën dhe lëvduan Perëndinë duke thënë: “Një gjë të tillë s'e kemi parë kurrë!”.

-Jezusi u tha njerëzve që Ai e kishte autoritetin për të falur mëkatet.

-Përse e kishte autoritetin për të falur mëkatet Jezusi?

-Sepse Ai është Perëndi.

-Jezusi e tregoi fuqinë e Tij si Perëndi duke e shëruar njeriun e paralizuar komplet.

-Pse ishte një gjendje të shëronte njerëzit e sëmurë Jezusi?

-Sepse Ai është Perëndi.

-Vetëm Perëndia ishte në gjendje ta shëronte njeriun e paralizuar.

-Pas kësaj, Jezusi doli jashtë dhe shkoi tek liqeni afër fshatit Kapernaum.

Le të lexojmë Marku 2:13-14

13-Jezusi doli përsëri gjatë bregut të detit dhe gjithë turma erdhi tek ai dhe ai e mësonte.

14-Duke kaluar, pa Levin, birin e Alfeut, i cili qe ulur në vendin e tatimeve, dhe i tha: ``Ndiqmë!". Ai u ngrit dhe e ndoqi.

-Ndërsa Jezusi po ecte, Ai takoi një njeri që quhej Levi.

-Emri i dytë i Levit ishte Mate.

-Cila ishte puna e Mateut?

-Mateu ishte taksambledhës.

-Mateu mbledhte taksa për Romakët, duke i marrë ato nga njerëzit e tij, Judenjët.

-Për shkak se taksambledhësit ua merrnin taksat njerëzve të vet dhe ua jepnin Romakëve, Judenjët i urrenin ata.

-Judenjtë i urrenin taksambledhësit edhe ngaqë ata ishin shumë të këqinj.

-Taksambledhësit i detyronin Judenjët të paguanin më shumë taksa, të cilat ata i mbanin për vete.

-Jezusi e thirri Mateun, taksambledhësin, që ta ndiqte Atë.

-Pse thirri Jezusi një taksambledhës që ta ndiqte Atë?

-Sepse Mateu e kuptoi që ai kishte mëkatuar kundër Perëndisë.

-Sepse Mateu e kuptoi që Perëndia i dënon të gjitha mëkatet me vdekje.

-Sepse Mateu e kuptoi që vetëm Perëndia mund ta shpëtonte atë.

-Sepse Mateu e kuptoi që Jezusi ishte Shpëtimtari.

-Shumë vite më vonë, Perëndia Frymë e Shenjtë e drejtoi Mateun që të shkruante një nga librat që është në Librin e Perëndisë, Bibël.

-Për shkak se Mateu ishte i lumtur që e besonte Jezusin si Shpëtimtarin e tij, ai e ftoi Atë dhe burrat e tjerë për të ngrënë në shtëpinë e tij.

Le të lexojmë Marku 2:15-16

15-Dhe ndodhi që, kur Jezusi ishte në tryezë në shtëpinë e Levit, shumë tagrambledhës dhe mëkatarë u ulën në tryezë me Jezusin dhe me dishepujt e tij; në fakt ishin shumë ata që e ndiqnin.

16-Atëherë skribët dhe farisenjtë, duke e parë se po hante me tagrambledhës dhe me mëkatarë, u thanë dishepujve të tij: ``Qysh ha dhe pi ai bashkë me tagrambledhës e me mëkatarë?''.

-Çfarë thanë mësuesit e ligjit që ishin farisenjtë dhe skribët kur ata e panë Jezusin duke ngrënë me Mateun dhe me

burrat e tjerë?

-Ata thanë, "Qysh ha e pi ai bashkë me taksambledhësit e me mëkatarët?"

-Farisenjtë dhe skribët nuk besonin që ata ishin mëkatarë.

-Farisenjtë dhe skribët besonin që ata ishin të pamëkatë.

-Farisenjtë dhe skribët nuk e kuptonin që të gjithë njerëzit kanë lindur në mëkat.

-Farisenjtë dhe skribët nuk e kuptonin që të gjithë njerëzit kanë mëkatuar kundër Perëndisë.

-Çfarë tha Jezusi kur Ai dëgjoi atë që thanë farisenjtë dhe skribët?

Le të lexojmë Marku 2:17

17-Dhe Jezusi, kur e dëgjoi, u tha atyre: ``Nuk janë të shëndoshet që kanë nevojë për mjekun, por të sëmurët; unë nuk erdha për të thirrur të drejtët, por mëkatarët për pendim.

-Jezusi u tha farisenjve dhe skribëve që njerëzit e shëndetshëm nuk kanë nevojë për doktor, por njerëzit e sëmurë.

-Çfarë donte të thoshte Jezusi?

-Jezusi po thoshte që Ai nuk kishte ardhur për të shpëtuar njerëzit që nuk e dinin që ishin të sëmurë.

-Jezusi erdhi për të shpëtuar vetëm njerëzit që e dinë që janë të sëmurë.

-Ja një shembull:

-Nëse një njeri është i sëmurë por nuk e di këtë, a shkon ai tek doktori?

-Jo.

-Pse jo?

-Sepse ai nuk e di që është i sëmurë.

-Jezusi nuk erdhi për të shpëtuar njerëzit që besojnë se nuk kanë mëkat.

-Jezusi erdhi për të shpëtuar njerëzit që besojnë se kanë mëkatuar ndaj Perëndisë dhe që besojnë se vetëm Perëndia mund t'i shpëtojë ata.

-Po ti?

-A e di ti që ke lindur në mëkat?

-A e di ti që ke mëkatuar kundër Perëndisë?

-A e di ti që Perëndia i dënon të gjitha mëkatet me vdekje të përjetshme?

-A e di ti që vetëm Perëndia, Shpëtimtari, mund të shpëtojë ty?

-Nëse ti e di këtë, atëherë Jezusi tha që Ai ka ardhur në botë për të qenë Shpëtimtari yt.